




14516

kalbom

Mod. St. Dr.

III











PANEG. et VITAE

Polon. Fol.

N. 562.



14516

III

Biblioteka Jagiellońska




stdr0005506


*Lipski Andreas*  
*Episcopus Cracoviensis.*

*Novodvorsiani Collegii: Musae Novodvorsianae in*  
*occursum Illmi et Rmi D. D. Andreae Lipski,*  
*Ep. Crac. expeditae.*











M V S Æ  
NOVODVORSCIANÆ,

In occursum

ILLVSTRIS<sup>MI</sup> & R'ENDIS<sup>MI</sup>  
DOMINI,  
D. ANDREÆ LIPSKI,  
EPISCOPI CRACOVIAN:  
DVCIS SEVERIÆ,  
Literarum & Literatorum Patroni singularis,

⁂  
NOBILI & STUDIOSA IUVVENTVTE  
ACADEMICA,  
*cum debita submissione,*

Expeditæ.

ANNO 1631.

*In Officina Typographica Francisci Casarij.*

UNIVERSITÄT  
BIBLIOTHEK  
MÜNCHEN



Fundamenta eius in montibus  
sanctis. *Psal: 86.*



I.

**A** Via dumetis, intonsis squallida lucis,  
Tandem pectendum, tesqua, parate caput.

*Iacobus Franciscus Michonius, Stud: Gram.*

I I.

**F** Vmea Vulcanij scintillent chasmata Vesui,  
Ignibus & Siculas terreat Æthna plagas.  
Alpes, Acroceraunia, debacchentur, Athosque:  
Et subdant Sceptro, colla superba, Tuo.

*Joannes Cesarij, Stud: Gram.*



CONCILIAT PALLAS  
FAMAM CATAPHRACTA  
PERENNEM.



*Ecce nas atavis orte potentibus,  
O & Sarmatiæ spes Academia  
Princeps atq; iubar Seueriensium.*

*Sunt quos picta suis sculptaq; sedibus  
Percensere iuvat Symbola Stemmatis,  
Et confecta virum praelia fortiam  
Quos virtus celebres vexit ad æthera.*

*Hunc si sollicitum cura gregis ferit,  
Illum, si proprio congerit alveo,  
Quidquid florilegis fert apibus labor,  
Luctantem in patriis viuere compitis,  
Lymphis mox, videas, disperseuntibus  
Vrnas tristifido affundere dolio.*

*Neptunum lubricis queritat in viis  
Doctus pauperiem naufragio pati  
Mercator, tabulis littore suspicit;  
Ergo caruleis fluctibus arceas?*

*Sunt quæis non animum non cytharæ sonus  
Somnum, non querule conciliant aquæ:  
Multos Odrysius currere, feruida,  
Distorto prohibet murmure, in agmina.*

*Sub dio reliqui, rebus in arduis,*



*Sylvarumq̄, feris, conscia per loca,  
Expansis vigiles retibus accubant :  
Annosos tereti figere spiculo  
Cervos, & rabidis dentibus obuios  
Apros, impauidi, vincere praelio.*

*Te Diuina sibi munia, Pontifex,  
Et doctorum hedera premia, vendicant.  
Te sacri Aonidum fluminis accole  
Secernunt populo, & cum Superis locant.  
Si nec dulcisonas Calliope negat  
Voces, nec celeri nixa Erato pede;  
Præsul, Castaliis iuncte phalangibus,  
Non spernas Lechici nomen Apollinis.*

Hieronimus Połubinski Dux à  
Łubno, Castell: Mscistauień.  
Stud: Grań.

**O FORTVNATVM NIMIVM,  
SVA SI BONA NORIT,  
HOC PASTORE GREGEM.**

**I***Am procellosi, satis in pupillos  
Turbinis Diuūm Pater vsq̄ misit,  
Et minis vindex malè fluctuantem  
Terruit urbem.*

*Noxios passim tacitis oberrant  
Gressibus strages, nece sentiuntur  
Tela, telorum penitus nec ulli*

*Cernitur author.*

*Inde*



*Inde crudelis clypeum Gradivus  
Symbolum pugnae quatit, & cruori  
Sordido mistas, inimica, arenas  
Vngula spargit.*

*Sensimus regno proprio carentem  
Navitam, nostro violenter ausum,  
Candidas morphni generosioris  
Vellere pennas.*

*Cernimus Moschos acuisse ferrum,  
Turcicos pauci numeros veremur,  
Et pharetrato, sine lege sparsos,  
Agmine lixas.*

*O cui tantas DEVS expiandi  
Indidit vires sceleris, precamur,  
Imperi rebus propè corruentis  
Consule Praesul.*

*Tu laborantis, cupias, beatus  
Omnibus dici, Patrie, Patronus,  
Impius, ne limina casta Divum,  
Polluat hostis.*

*Hic Tuos annos moderetur, atq;  
Corpori infirmo accumulet vigorem,  
In manu cuius necis atq; vite est  
Aequa potestas.*

*Ioannes Raphaël Tarnovvski  
Comes à Tarnovv, Castellaniid:  
Zarnouieñ: Stud: Gram.*



VIRTVS INVITIS MERITOS  
LARGITVR HONORES.

**S**ic Te Sydereæ faces,  
Sic flammæ rutilans æmula Cynthii,  
Astrorumq; pius Sator,  
Seruent Warsavia Vrbs; auspiciis bonis  
Nostrum quæ tibi creditum  
Reddis Pontificem. Cracia Sospiti  
Vouet gaudia LIPSCIO,  
Vouet prout animæ dimidio suæ.  
Virtuti proprium decus,  
Optatamq; pio letitiam gregi,  
Si quis denegat inuidus:  
Illi Caucaseis scrupea pectora  
Fibris insolitum crepent,  
Nec surdis celebrem liuidus auribus  
Famam Præsulis hauriat.  
Audax, egregiis cur facinoribus  
Obsit cura Promethidis?  
Virtus digna suis, regnet, honoribus.

Wladislaus Tarło Palatinid:  
Lublineñ; Stud: Gram.

SOL AVGET FLORVM,  
VIRTVTVM PRÆSVL ODORES.

**S**oluitur occiduis, ex ordine, corniger catenis  
Taurus, sereni veris imperator. Sol-



Soluitur hybernis, malè percita, frigorū procellis,  
 Nouumq̃, tellus, pollicetur annū.  
 Ipsa morè impatiens penas luit otiosa Flora,  
 Solis benigno recreata vultu  
 Ridet, odoriferas florum meditatū officinas,  
 Crispante verni graminis capillis;  
 Vritur, inq̃, dies, proles Hyperionis, calentem  
 Leonis, accit, Syrium ministrum.  
 Iam Dryades vidua speculantur ab arbore uniones,  
 Sperantq̃ fructus horto amēniore.  
 Nunc decet herbifluis pratexere vertices corollis,  
 Myrtoq̃, latas impedire frontes.  
 Aonidum roseis quidquid reperitur in viretis,  
 O Præsul, halat nunc Tuos honores.  
 Inuidia Hydrigenis satis ebria, ringitor, cicutis,  
 Non LIPS C I V M nox opprimit, nec umbra.  
 Imò assurgentis dum munia solis auspicatur,  
 Florebit Urbis sanctitas; Quid? Orbis.

Franciscus Carolus Korniaht.  
 Stud; Gram.

## DEBETUR SERÆ VIRTUS TVA POSTERITATI.

Scriberis parium norma Quiritium,  
 Docto fatiloqui pollice Apollinis:  
 Ætas prima, suis, nec Spira, laudibus  
 Dignis orba, tacebitur.

A 4

Scriberis:



*Scriberis Supero, fida, Triliccio,  
Vita in continuis, anchora, Syrtibus :  
Clarebis celebri, posthume, seculo,  
Causarum vigil arbiter.*

*Scriberis patrii verus amor boni,  
Fuso Nobilium sanguine percitus  
Quesisti innocuo subsidium gregi,  
Contrà Moschidos incolas.*

*Conari tenues grandia, nos, pudor  
O Præsul, prohibet : dicimus unicum.  
Servato incolumi pignore, Principe,  
Servasti Patriam Pater.*

*Hunc Te, Lechiadum turba Quiritium  
Succrescens Patriæ poscit : Is anxie  
Sis (que prona, tuis, optime, postibus  
Sternit sceptræ) Academia.*

Laurentius Gebicki, Castellani :  
Rogozineñ : Stud : Gram.

SORTITVR LAVDEM PIETAS,  
PIETATIS ET AVCTOR.

**L***audabunt alii, celatos marmore vultus,  
Artificum insomnesq; labores  
Pertrahet innumeros sciti, solertia, Zeuxis,  
Quâ viuas formauerat vias.  
Allicient oculos, terebrantes, regna Phanetis,  
Regum spes operosa, colossi.*

Ingenio



*Ingenio est quidquid fictum factumue sagaci,  
 Multorum mercabitur aures.  
 Laudabunt alii spirantes arma strategos,  
 Et vires animosq; viriles.  
 Hunc, si lunatas audax inimicet arenas,  
 Fœdisfragum si demetat hostem:  
 Illum, vafricies vda si fouit amurcâ,  
 Ut Scythicum populetur agema,  
 Sapius & victor numeret, præsegmina Caude  
 Busto Sarmatico cinesacta.  
 Hos tamen interdum, vero pro nomine, murmur,  
 Et populi leuis aura coronat.  
 Sunt, quibus unum opus est, Sanctum pietatis & arctæ  
 Semper relligionis amorem,  
 Mentibus humanis, exemplo & moribus equis  
 Instillare, viamq; docere:  
 Non quæ, Christicolæ spatioſo calle reductos  
 Sulphureo malè mulctet in Orco:  
 Sed flammis, emptum, torturis, sanguine, loris,  
 Suppliciis, quæ libret Olympum.  
 Hæc via difficilis, perplexa fracta meantiſ,  
 Qui præcurrat Thesea poſcit.  
 Te manet iſtud onus, quod permiscetur honori,  
 Inq; viâ comes eſt Tibi Chriſtus.  
 Nil deſperandum Chriſto Duce, & auſpice Chriſto,  
 O fortis grauioraq; paſſe.  
 Greſſibus ambiguis ſuberit, vitæq; viæq;  
 Fila miniſtrabit Tibi Chriſtus.*

B

Sic



*Sic veram pietas laudem, pietatis & auctor  
Ductu Præcursoris habebit.*

Alexander Dabski, Stud: Grañ.

ET LEGES, ALIIS, ANTISTES  
LEGIBVS ARCTAT.

**M**ercuri facunda Iouis propago,  
Diua, quem plumis, geminoq; cautum  
Angue, Cyllenes gelidis in vluis  
Maia locauit.

Explica annexas pedibus ministras  
Præpetes, & somniferam adde virgam,  
Sume pennatum generosiori  
Fronte galerum.

Conscium Diuis animum serena,  
Io cornutis sociata, cuius  
Audist cantus, vigil expiauit  
Barbiton Argus.

Tu feris aptum nemus, & patentis  
Æquoris surdos habitare sulcos,  
Nescium flecti genus, arte primus  
Dedocuiſti.

Tu pium dulci calamo labellum,  
Docte pertæſas reparare mentes,  
Funge, condignas meritis, diſertus,  
Occine laudes.

Tu



*Tu fatigatis recrea Laborem  
Noctibus cinctum, comitesq; Curas,  
Et, nouis ipsas, modulari, leges  
Legibus auctas.*

*Valerianus Wilczogorski, Stud: Graſn.*

**PATRONI ADVENTVS  
OMNIA LÆTA FACIT.**

**E***T thure, & fidium modis  
Argutum melos, & dulce sonantibus,  
Festos ducere nunc dies:  
Nunc ornare Dei templa iuuat, iuuat,  
Phebi frondibus inclytis,  
Cunctis tempus enim suaue, iubar velut,  
Affulsit, rutili atheris.  
Iucundo resonat tunc modulamine  
Concentus, regio atheris,  
Permúltum tremulis grata volucris:  
Sic præcordia gestiunt  
Delibuta nouis Letitiæ modis;  
Ut conspeximus inclyte  
Heros, conspicuo Lumine splendidam  
Virtutum, faciem Tuam.  
Tu blandum Zephyri pneuma; tepentibus  
Auris efficiens, sine  
Attrâ nube dies, ac reuocans simul*

**B 2**

*Vita ad*



*Vite ad munia pristina  
Omnes, tempus ad hoc exanimis ferè.  
Tu tandem veniens quasi  
Cælo, cuncta Tuis restituens bona;  
Sanè sensimus optimè;  
Quid nobis tribuas, quid quoq̃ nos tibi  
Deberemus: ut expedit;  
Euax Castalium plectra sonent melos:  
Præsentis agitare fas  
Luces, Letitiâ, cantibus, & Lyris.*

Stanislaus Olszewski, Stud: Gram.

## **SALVE PATRII PRÆSIDIVM L A R I S.**

**C***lio tonantis progenies Iouis,  
Descende Cælo, præcipiti gradu:  
Et Lesbii te barbitis da;  
Perfacilem, neq̃ non benignam.  
Desideratus Dis Patriis; quoq̃  
Cælo Polono; redditur En: bona  
Iam naufraganti Patriæ spes  
Propitiis data adhuc ab astris.  
Attolle cælo, docta Sophûm manus,  
Mentem sagacem Letitiâ indue,  
Vultus serenos, nonne cernis,  
Quanta tibi Superi dedere?*

LIPSCI



LIPSCI vetusti sanguinis inclytum  
 Germen, qui auita Lampada gloria  
     Exaggeras virtute celsâ  
         Fenore multiplici redonans.  
 Laudes parentum in prole perennium;  
 LIPSCI, vetuste fulcrum Academiæ,  
     Patrone, quo nostræ quiescunt  
         Spes, Columenq; meum decusq;  
 Te, nixa Regni pulchra stetit salus,  
 A Rege primum munus & arduum, &  
     Sublime, Cancellariatus  
         Pro meritis meritò gerente.  
 Sensit virum te Ecclesia, cuius, in  
 Sanctis gubernis euigilant Tue  
     Acerrimæ mentis labores:  
         Sensit & inclyta Lechie res,  
 Dum Te tenacem propositi virum  
 Non derelinquunt cæpta prius, quàm eis  
     Fruges Laborum larga constet,  
         Omnigene, celebrisq; laudis.  
 Iactet procellas Æolus horridas:  
 Trisulca vibret tela Diæspiter:  
     Fractusq; collabatur orbis:  
         Impavidum ferient ruine.  
 Hæc Tu malorum transgrederis freta,  
 Victorq; pergis tramite, quem tulit  
     Prudentiæ magnæ Tue Lux,  
         Quem & genius bonus occinebat.



*Æstate' tanquam mellificans apis  
Late vireti peruolat loca :  
Succos tamen non libat herbis;  
Sint nisi odorifere, aut salubres:  
Sic tu remotas, imperiis, plagas,  
Regumq; mentes impaudas tuens :  
Tantum hac notasti mente solers,  
Quæ procul à vitio fuëres  
Ergo beate (feruidus apprecor)  
His maeste magnis Præsul Honoribus  
Plenum dierum Te coronet  
Copia plena beatitatis.*

Stanislaus Stokovvski, Stud; Gram.

DIGNA COELO GLORIA  
P R Æ S V L I S.

*E*T quid est cur Herculeos frequentes  
Sedulò iactent titulos, Auosq;  
Ad Iouem vix non referat superbè,  
Quisq; priores.  
Scilicet pulchrum : genus, ex auitis  
Fontibus traxisse, suisq; fastis  
Curtios tradi, celebresq; duro  
Marte Camillos.  
Ergo si tantum iuuat ex parente  
Nascer Claro, dubitas beare

Præsulem



*PRÆSVLEM, tali mihi crede virtus  
Splendida surgit.*

*Gentis excelsæ veneranda proles,  
Lechici, firmum columnen, Dynaste,  
Tu decus nostrum, Patriæq̃ surgis  
Fama perennis.*

*Iurè Te nostra celebrant Camæna,  
Et Tibi magnos referunt honores,  
Nam Tuum Nomen Patriæq̃ robur  
Sydera tangunt.*

*Quis, Tuos, vates, meritò tryumphos  
Versibus clavis poterit referre,  
Et Tuas laudes Generose Præsul  
Prêndere mente.*

*Viuito felix Patriæ columna,  
Dux potens, Lumen Lechiæq̃ clarum  
Teq̃ cælorum genitor perennes  
Servet in annos.*

*Ioannes & Alexander Zyrzynski,  
Stud: Graŋ.*





ARDVA DEBENTVR EXCELSÆ  
V I R T V T I.



Vræ quid, acri sollicitudine  
Arcetis nitidis me Aonidum choris?  
Abite corde, & mente abite,  
Barbiton vt vacuus resumam.  
Nunc nunc, canoro carmine me iuuat,  
Magnum Græcæ tuum dicere PRÆSVLEM,  
Tu labra vatis docta Clio  
Prolue Castalio liquore.  
Quisnam quis vnquam Te sine concinat?  
Quæ vix Autonio carmine Horatius,  
Aut ipse dignè pollet Orphæus  
Traijcio celebrare plectro.  
Quis cecit in horto dum calathos nimis  
Flore implere parat, sedulus ambigit  
Rosasne suaues num ligustra  
Num violas prius vngue carpat;  
Sic quisquis optat pectine Lesbio  
Te laudare decus, Sauromatum iubar,  
Hæret: quid ante postuè dicat;  
Tantus honos viget atq; virtus.  
Tu summi Olympi, Tu reseras fores  
Et regis Stygij tristitia Tartara  
Occludis, ac vmbras profundas  
Eripis Eumenidum furori.  
Hos ergo tandem Progenies sacra  
Falces, sume libens, quos Tibi porrigit  
Plebs læta Craci, & sæculorum  
Tempora mille Tibi precatur.

*Stephanus Tarto, Palatinid: Lubli.  
Stud: Poës.*

POST



## POST NUBILA PHÆBUS.

**N**on semper imbres, fructiferos agros  
Rigant honori, non mare Balthicum  
Semper tumescenti procellâ  
Exagitatur iners, nec oras

Menses per omnes Armenias tegit

Nix, ô celebris Craciadum cohors:

Arbusta nec præcella montis

Semper iniquo Aquilone turgent.

Tu lachrymarum rore madentium

Virges ademptam flebilis Infulam;

Semper nec ortus Sol, amores

Nec fugiens inhihet tenellos.

At non per omnes Roma Sabineum

Ploravit annos Pompilium Numam,

Nec mæstus Oeagrum Parentem

Orpheus, aut Menelaum Orestes

Fleuere semper. Desine mollium

Tandem querelarum, & potius nouum

Gaudens saluta PRÆSVLEM, dic

Lætus ut ingrediatur urbem.

Totius orbis Sarmatici caput,

Dic, viuat annos Nestoreos Tibi,

Charis propinquis, Patriæque,

Christicolæq; gregi sacrato.

*Nicolaus Sapieha, Capitan: Mścislav.*

*Stud: Poës.*

## REX EST QVI ANIMVM REGIT.

**S**anctius regnes, meliusuè longè  
Infulæ sacrae caput inferendo

C

Pontifex



PONTIFEX, quàm si Tua dextra Regum  
Sceptra capeſſat.

Pulchrius regnum tenuit quis vnquam  
Cæſarum throno poſitus ſuperbo?  
Mentibus, num qui benè præſidendo  
Rexerit orbem?

Ille rex ſolus mihi, ſolus ille  
Imperatorum meruit coronas,  
Qui ſibi rectè prius imperauit  
Se quoque rexit.

Sceptra regnantùm ſine mente regum  
Plectra ſunt ipsis dominis: & ipsis  
Subditis. Regum mala namq; in illos  
Cuncta redundant.

Suauior nunquam dominatus orbe eſt  
Mente pacatâ. Bene ſæpè menti eſt  
Conſciæ recti: cui nulla ſubdit

Cura flagellum.  
Splendidus regum nitor in tumultu eſt,  
Culmen in multo trepidat fauore.  
Verticem gemmis decorat Tiara,  
Pungit at intus.

Sæpius Reges auidos bonorum  
Limites vltra proprios auara  
luno protrudit, grauiore damno  
Spebus iniquis.

Sæpius regni timor in palæſtram  
Euocat Martis, dubios triumpho,  
Pugna fit. Vincunt modo: rursus idem  
Turpe fugantur.

Mox fugant hoſtem, capiuntq; victum,  
Mancipes ipſi. Sed heu catenis  
Criminum, multò magis ingemiſcunt  
Mente grauati.

Imperent



Imperant reges folio potentes  
Gentibus multis, domitiq̃ue bello  
Hostibus regnent, vbi sol resurgit

Et cadit idem.

Tu tui victor venerande LIPSCI  
Regis Excelsi cui sorte Regnum  
In gregem celsit, dominare late

Pastor ouili.

Mentium custos, melioris idem  
Cultor & vitæ, populi domando  
Spiritus, Regum superabis omne

Nomen, & omen.

*Gabriel Campo, Stud: Poes.*

## TV DECVS OMNE TVIS.

**Q** Valem Dionem gens Arethusidum  
Cuius feracis Trinacriæ decus  
Pacem peroptatam recepit  
Consilij auxilio salubris

Experta: qualem Creta virentibus  
Gaudens cupressis vidit Agenoreum  
Minoa, cuius constitutum

Legibus Imperium superstes  
Per multa firmum tempora floruit.

Qualem decorum relligioneq̃ue  
Belloq̃ue sensit, cultu & armis  
Alpera Thrace Cotym benigno

Sermone cuius dulcia dogmata  
Sumpsit Deorum. Lechiadum plagæ  
Videre talem PRÆSVLEM Te  
Consilio, pietate clarum, &



Virtute sacrâ iustitiæ sacræ.  
 Illustre nam quis consilium neget  
 Mauorte pugnacis Dynastæ  
 Cui comes arma feris in oris  
 Iuuit? Quis alium iustitiæ decus  
 Non obstupescat? dum dirimi graues  
 Poloniæ causas tuetur  
 Ipsius arbitrio sagaci.  
 Quis non celebret PRÆSVLIS inclyti  
 Ardentem amorem laudibus in DEI  
 Cultum verendum? cum nefandis  
 Hæreticis violare sanctos  
 Ritus sacratæ Religionis haud  
 Permittere audit. Doctus es ô Dion  
 Iustusq; Minos, atq; clarus  
 Religionem Cotys, benigne  
 PRÆSVL. Loquar quid verius? Es velut  
 Sol inter omnes auricomus polo  
 Stellæ decori; tempore & sic  
 Tu decus omne Tuis perenni.

*Vladislaus Milonski, Stud: Poës.*

## NIL MAIUS TERRA TENET PRINCIPE IVSTO.

**M** Agnis orte viris Craciadum noue  
 PRÆSVL gentis, abes iam nimium diu,  
 Ingressum properum, pollicitus PATRVM  
 Sacro Concilio: Veni.  
 Claram redde Tuo Maxime DVX gregi  
 Lucem, lætus enim vultus ubi Tuus  
 Affulget, populo gratus erit dies  
 Et sol curret amœnius.

*Vt carum*



Vt carum iuuenem sollicitè Parens  
Quem distans regio sedibus in suis  
Iucunda, spatio temporis annui  
                    Seruat longius à domo,  
Maternâ reuocat nunc prece, nunc pijs  
Votis, nec faciem limine dimouet  
Fausto; sic vigilem nobilis omine  
                    Te Cracouia PRÆSVLEM  
Quærit. Grex etenim tutus obambulat,  
Templi viuifici pascua virida,  
Verbi dogma DÊI percipiens sacrum  
                    Culpari metuit fides.  
Nullis sacra domus polluitur iocis,  
Nullis religio destruitur nouis  
Diui verbigenæ ritibus, horrida  
                    Culpam pœna premit comes.  
Quis dirum pauca de Stygiæ plagæ  
Syluis mortiferis, ac rabidum lupum?  
Quis falsa incolumi PRÆSVLE dogmata  
                    Curet lethiferi Arij?  
Quis Calui metuat specula liuida  
Vesani, lepidò melle sub abdita?  
Lutheriue dolo fraudeque perdit  
                    PRÆSVL Te Duce sospite  
Tq̃ multâ prece, Te prosequitur pijs  
Plebs desiderijs, ingeminans Tuum  
Semper nomen, vti Græcia Castoris  
                    Et magni memor Herculis.  
Longas ô vtinam DVX BONE ferias  
Præstes Sarmatiæ, dicimus integrè,  
Et surgente nouâ lampade Cynthij;  
                    Et cedente sub æquora.

*Casimirus Waxman, Stud: Poëf.*



V O T V M.  
Ad Augustissimam DEI Matrem  
Virginem pro PRÆSVLE;  
EIVSQUE FÆLICI IMPERIO  
IN ECCLESIA.

O DIVA, celsum quæ regis æthera  
Ipsis vel astris, pulchrior aureis,  
Calcasque Lunam corpus alnum,  
Lumine Solis amicta VIRGO.

Te vota IESV gens, prece supplici  
Clamat PATRONAM, te Dominam inuocat,  
Cælique, terrarumque, cætus  
Christiadum sacer orbe toto.

Te Clerus ordo, te populi agmina  
Servata centum clauibus abditis,  
Patrumque matrum &, Virginumque  
Turba frequens colit ADVOCATAM.

Deteriori ne sine sæculo  
Stantis columnæ, mania corruant,  
Neu' malignans Tartari vis,  
Cælicolum monumenta vastet.

Præsens Tonanti, tu PIA FILIO  
Libas labellis oscula dulcibus  
Palmisque gestas MATER orbis  
Totius artificem PVELLA.

Immensæ abijssum fas penitus cui  
Haurire summo fluminis impetu,  
Manantis in te TRINITATIS  
O mare, vel maria, ô MARIA!

Tu




Tu semper hæres IVDICIS ad latus  
 Terrentis Orcum, fulminaqué horrida  
     Dextrâ gerentis, nec potentes  
     Militiæ tibi defuere.  
 Te Rex, & omnis curia Cælitum  
 Circumstat vltro nutibus annuens  
     Quodcunqué mandâris. Cohortes  
     Angelicæ Imperium capessunt.  
 Ridente vultu, vel similis DEO  
 Formaqué multâ terribilis DEA  
     Qualis Phalanx aut ordinatæ  
     Dum rutilant acies in armis.  
 Hinc infideles Hæreseos retro  
 Cedunt cateruæ. Styx quoq; territa  
     Clamore cum tetro, & querelis  
     Ima petit Phlegetontis antra.  
 Cælo potentem porrige dexteram,  
 Clemensq; MATER respice PRÆSVLEM  
     Seruans timendum peieranti  
     Hæretico, Stygijsq; monstis.  
 Fas sit, TONANTEM, quin potius tuis  
 O VIRGO Clemens, Virgo Puerpera  
     Enixa REGEM, flecti ab irâ  
     Præfidijs populo roganti.  
 Tu certa nautis anchora naufragis,  
 Tu portus ad te confugientibus,  
     Errantium lux ô iterq;ue  
     Arcaqué fæderis æterni.  
 O ergo summi Filia PATRIS, &  
 De Patre NATI MATER amabilis,  
     Et sponsa Sancti Spiritus, quam  
     Attonitus stupet omnis æther.



Ad nos ocellos sydere candido  
Flagrantiores MATER amoribus  
Conuerte CLEMENS, nec morare  
O Pia, dulcis, & alma MATER  
Placare NATVM pro populo tuo,  
Ouesque Christi longè ab ouilibus  
Reduc aberrantes. At ipsa  
Styx pede pressa tuo ingemiscat.  
Euerte gentem, quæ nimis impiè  
Ritu nefando, deseruit DEVM  
Iurata contra, conterasque  
Hæreseos capita omnia; Vna.  
Excelsa Cedrus qualis in arduis  
Protensa ramis montibus eminet  
Tam surgat in terris, ubique  
Religio altior orbe toto.  
Huic reprobanti, colla sua Hæresis  
Ceruice pronâ subdat, & oscula  
Lambendo terram sæpè supplex  
Multiplicet pedibus beatis.  
Hoc apprecatus, iam tibi PONTIFEX  
Me dedo, totum cultor Apollinis,  
Et ad pedes sacros repositus  
Lætus lo, cano lo triumpho.

*Andreas Kochanski, Stud: Poës.*



Foelix



FOELIX, QVEM GENEROSA  
EVEXIT AD ÆTHERA VIRTVS.



*DI profanas dissociabilis  
Vulgi cateruas, & genus inuidum  
Audacis Argi, & dissidentis  
Insidias tumidas theatri.*

*Fauete linguis, iura silentij  
Seruate Sacri, nil humili iuuat  
Cantare buxo, mens susurrat  
Diuitias generosiores.*

*Te magne PRÆSVL, Te Patriæ iubar,  
Te gloriosa Sydus adorea  
Te dulce, dicam rebus arctis  
Præsidium, columnen, decusq̃,  
Tibi Tonantis rara benignitas  
Et prorogati temporis intimus  
Arrisit ordo, pulcher ordo  
Consociabilibus brabais.*

*Immensa pulchri Te arbiter ætheris  
Inter serena præmia glorie  
Inter coronatos fauores  
Per medium iubet Circum.  
Ascende fausto non sine Numine  
Ascende, letis non sine plausibus,  
Nostras in oras magnus hospes,  
Vauelica nouus hospes arcis.*

D

Te



Te feriat cum pueris senes,  
Quocunq̃ faustum latus agis pedem,  
Lyraeq̃, buxiq̃, & sonore  
Cum pueris Cythara saluant.

Spes mille circum frontibus insident,  
Plenoq̃ voces pectore congerunt,  
Tibi reſeruatum Lycei

Omne decus Nouoduorſciani.

Ascende, faustis ominibus PATER,

Ascende doctæ lux Academiæ,

Regni Poloni laus perennis

Præſidiumq̃ Tui Senatus.

Ioannes Tarło, Palati: Lublin:

Stud: Dialect.

## PVLCHRA LABORE PARANTVR.

**I**Nauspicatos hic operosior  
Ventosi honoris circinet impetus,  
Contendat in campum petitor  
Obsequio meliorq̃ fastu.

Illum recentum turba Quiritium  
Circumſtet, illum turba clientium  
Prædat, superbos, huic laboret  
Gloria deproperare faſces.

Iucunda auari fabula ſomnij  
Tandem theatris perſonet omnibus,  
(Fastidiosus dum ſequaces  
Deſpiciet famulos redemptor)



*Ite, ite, ludo improvidi ab aspero,  
Ite invidendis postibus hospites,  
Exulceratam sorte sortem  
Muneribus reparate vestris.*

*Non otiosis culta laboribus  
Virtus alumnos auget: at asperâ  
Sortitur insignes ab urnâ  
Consilio & meritis Dynastas.*

*Antistes hac te quæq; per ardua  
Actum Camæne magnanimis, bonis  
Auxêre, fascesq; & potentis  
Ingenij titulos dedere.*

*Desiderantem commoda publici  
Boni, serenus conspiciet pòlus,  
Libabit æther, quo repostus  
Sydereos micet interignes.  
Ioannes Wesel Stud: Dialect.*

**DIFFICILE EST FATEOR,  
SED TENDIT IN ARDVA  
VIRTUS.**

**A***ngustam adornant consociabiles  
Virtutem honores, conditionibus  
Nunquam dolosis, & reclinem  
Ipse Deus locat inter astra.*

*At vos propinquo pergite Symbolo  
Virtutis arctâ currere in orbitâ  
Parui Quirites, dum tenellos  
Pontificis celebratis annos.*



Ille ille virtutum intima semina,  
Doctarum & inter prœmia frontium,  
Interq̃ ludentes Camœnas,  
De tenero accumulabat ungui.

Cũ statim Apollo risit amabili  
Pallasq̃ vultu, matris ab ubere  
Et fouit, arcanaq̃ fontis  
Pegasei satiauit undâ.

Hinc & iuuentam soluere pertinax  
Curas in omnes, sole alio solum  
Feruens, peregrinumq̃ cœlum  
Commemorabilibus sacravit.

Laboribus. Sic rebus in arduis  
Exercitatus, legiferam petit  
Spiram, latentisq̃ in profundo  
Præsidiumq̃ decusq̃ Consi.

Penuræ cluso diuitis ingenti  
Pericle dignis vocibus intonat,  
Ramnusidis dum pertinaci  
Ingenio scopulos resoluit.

Sive æstuosus, gurgite ab aspero  
Ciuis unde, nimbus inhorruit,  
Sive impotentum ardor virorum  
Mobilibus reboat cateruis.

Virtus repulsa nescia sordide  
Intaminatis fulget honoribus,  
Nec virga lictorum securam  
Submouet imperiosa turbam.

Paulus Stokovvski, Stud : Dialect.

ARDVA



15  
ARDVA SOLICITIS VICTORIA  
QVÆRITVR ARMIS.

**P**Ulchram iuventam Lipsius arbiter  
Laboris almi Socratico modo  
Sub erudito finxit ungue  
Et rigido sale defricauit.

At vos supino semper in otio  
Perdetis æuum? surgite languidi,  
Et tædiosis, inuidendum  
Imperium reparate, Musis.

Sed vos dolose prælia dextera,  
Sed fulminatis diruta Prussia  
Castella nimbis concitabunt,  
Non humiles iterare pugnas.

Vibrate ferrum sanguinem in impium,  
Armate dextras, ite volentibus  
Fatis Poloni, ite ite Moschos  
Mobilibus viduate regnis.

Sic perduelles imposito iugo  
Compscite hostes ausibus Herculis  
Hastisq̃, captiuosq̃ currus  
Exuiis onerate opimis.

Infracta virtus tramite conscio  
Deliberatas ludit ad oreas  
Et vel minaces per tumultus  
Ingeminat geniale fulgur.



*Devota dulci pectora Patriæ  
Assueta magnis ire laboribus  
Non fata terrent! quin coruscas  
Frontibus accumulans coronas.  
O quàm decorum est pro Patria mori!  
Mentita auorum Nobilitas luet  
Emasculatum olim, sepulchris  
Immiserabilibus Graduum.*

Paulus Gębicki, Castellani:  
Rogozineń: Stud: Dial.

DEXTERITAS RETINET  
CYMBAS, DOMINATUR  
ET VNDIS.

**I***ustum & tenacem propositi Virum  
(Cui ridet almo pectore amabilis  
Candor, serena dux quietis)  
Attoniti stupet ira mundi!  
Illum dolosi flumina Nerei,  
Illum vagorum exercitus hostium  
Horrent, & immanes hiatus,  
Acrocerauniaceq; Syrtes.  
Effusa aquosis cum legionibus  
Armauit infames scopulos Thetis,  
Et insolentes e cauernis  
Irremeabilibus Charybdes*

*Eduxit*



Eduxit : ut mentem haud sibi cognitam  
 Tumultuoso turbine frangeret,  
     Pararet immani & marito  
         Inferias generosiores;  
 Viros timendi Regis, & hospites  
 Inhospitali scilicet impetu,  
     Curis acerbis Lipsciumq;  
         Tiliciumq; operosiore.  
 Et iam procellis Pontus inhorruit,  
 Et inquietus vortice Nereus,  
     Laboriosis, mille mortis  
         Nauius agglomerârat umbras:  
 Cum septi amæno consilio viri,  
 Ventis per ausum dira frementibus,  
     Ponto procellarumq; turbis,  
         Quam Theris imperiosiore  
 Dedere vocem. Danius illicet  
 Eniscerato detonuit fragor  
     Furore, tempestas & omnis  
         Deposuit liquidas phalanges.  
 Tum peruiacis turba petax Myne,  
 Assueta pradis viuere nauticis  
     Despumat ingentes timores  
         Præsidio superata Diuum.  
 Iniuriose concidit Atropos  
 Falx perduellis; prospera fortiter  
     Fortuna cautis detriumphat  
         Classibus insidias fugaces.



*Sensere quid mens rite quid indoles  
Instructa faustis conditionibus  
Possit, quid armati, Tonantis  
Presidio tacito Poloni.*

Stanislaus May, Stud: Dialect.

**G**RATVMQVE tandem Nereidum Pater  
Est elocutus. Lechia, Lechia,  
Ingens duobus si Polonis  
Vis residet generosioris  
Virtutis! o quam Martia perfidam  
Gentem cito regno excuties suo,  
Franges & audaces tumultus  
Cum populo & Duce fraudulento.  
Qui seua rursus fulmina detonat  
Deliberato funere pertinax  
Quamvis subhastavit virilem  
Nominis imperijq; famam.  
Vis consilii expers mole ruit sua  
Vim temperatam o Lechia fortior  
Tuere ne bellator hospes  
Prussiacis dominetur oris.  
Tuis & ultro seditionibus  
Bellum excitatum, ne legionibus  
Inauspicatis duplicatas  
Immolet inferias sepulchris.

Quisquamne



17  
Quisquamné tandem Marte potentior  
Iniuriosos diluet impetus  
    Quisquam Pruthenas heu procellas  
    Restituet solido triumpho.  
Dum insultat armentum Urbibus, & vagos  
Celant inulte dum catulos fera  
    Delubra per sancta ab Deorum  
    Sacrilego cinesacta busto.

Thomas Vieyski, Stud: Dialect.

SIED PROBRA QVOR SVM? Non ego Sarmatam  
    Damnabo fortem, fatidicus sacri  
    Vates Gradini. Viue, VLADI  
    SLAE decus Lechica Corona  
Magnum parentis magnanimi decus,  
Clarum & Polona sydu adorea  
    Rursus triumphatq; Moschis  
    Fulmineos resera triumphos.  
Ter si resurgat murus aeneus  
Auctore Moscho ter pereat tuus  
    Excisus armis, & ter uxor  
    Capta virum puerosq; ploret.  
Horrendus altum Nomen in ultimas  
Extende terras, quâ medium liquor  
    Secernit Europen ab Afro  
    Quâ gemino gemit axis orbe.  
Quicumq; mundi terminus obstitit  
Hunc frange ferro, visere gestiens  
    Qua gens sub Eois renatum  
    Suspiciat remeare solem.  
Nam bellicosus fata adamantina  
Fauent Polonis; Si nimium pii  
    Diuisq; fidentes, auitam  
    Inde velint reparare famam.

E

Quo



Quo Musa tendis? desine, desine.  
 Damnare fatis regna potentibus:  
 Conamur omnes grandiora  
 Quàm genius ferat expeditus.

Adamus Belchacki, Stud : Dialect.

I N S T E M M A  
Illustris<sup>mi</sup> & R<sup>ndis</sup> Dñi.

**F** *Ulcina, Tartarei raptus, tumidig, tridentes.  
Clauibus & clauis, hac tria vincta gemunt.*

Petrus Tomicki, Stud : Gram.

**E** *Si iter angustum, angustum quod monstrat honorem:  
Vis potiare bono; fac patiare malum.*

Remigianus Piaſecki, Stud: Gram.


**D** *Is pareant stolidis si quæ nascuntur in hortis  
Numina: verrentur, mens, vereantur, ait.*

Samuel Sierakovski, Stud: Gram.

**E**<sup>N</sup> quid sollicitus, quid non labor improbus audet?  
Figit inacceſſi, caumata fronte, loci.

Stanislaus Rudnicki, Stud: Gram.

Impensis, ex fundatione perpetua, M. D. BARTHOLOMÆI  
NOWODORSKI, Equitis Melitensis, Ordinis S. Ioannis  
Baptistæ Hierosolimitani. S. R. M. Aulici, & militiæ præfecti,  
Commendatoris Posnaniensis: excussa.



AGELLONICAS

*Sincerely & affectionately Yours*







